

Universal Children's Day 2016

Lancement calendrier des activites

Les Loges de mangalkhan, Residence Mangalkhan, Floreal

Dimanche 16 Oct 2016, 15 :00

---

Bonzour tou dimoun !!!

Sa fer moi enn gran plezir zordi pou adres zot kelke mots dan cadre celebration Zourne Universelle bann zanfan.

Kuma zot kone, zourne universelle bann zanfan (UCD, Universal Children's Day) celebre dans le monde entier le 20 novam 2016. Sa zourne-la, se enn lokazion pou pran kont bann problem ki bann zanfan gagne dan le monde entie ek pou mett la tett ensam pou gett kouma kapav tir bann zanfan depi dan problem.

Tem ki mo minister finn soizir sa lane -la se "Bann Zanfan, Anbassader Pou Zanfan". Enn anbassader, se kiken ki reprezant enn pays, enn l'organization ou mem enn lot dimoun.

Mo ministere finn soizir sa them-la parski nou le fer "Ban zanfan, vinn bann anbassader pou zanfan". Se ta dir, bann zanfan mem ki reprezan zanfan et sensibiliz dimoun lor zot drwa bann zanfan, ek bann difikilte ki bann zanfan gagne. Sa lane-la, mo bien kontan ki mo minister p travail ensam ek Conseil National Bann Zanfan (NCC), Jorez Box, ONG LEAD, bann collectivité local kouma Municipalité Curepipe, Minstere infrastruktir piblik, minister Arts et kiltir, ek lezot institution.

A traver enn concert ki pou fer taler en collaboration avec Jorez Box ek Lead, bann zanfan pou kapav exprim zot lor zot drwa. Ban Zanfan ena drwa a l'expresion, bann zanfan ena drwa fer tann zot lavwa. Moi, kan mo tann lavwa enn zanfan, sa tous mo leker, mo sir ena boukou dimoun resenti mem zafer ki moi. Li kouma enn fless, ki pers mo leker... Ena enn purete, enn inosans extraordinier dan lavwa enn zanfan. Kan enn zanfan dan soufrans, nou tou nou revolte, nou pa kapav aksepte...

Sa premie zourne zordi-la finn mark demaraz nou calendrier d'aktivite pou commemore zourne universel bann enfants. Bann zanfan mangalkhan finn gagn lokazion partisip dan plizir latelier pendant sa zourne la. Se enn fason ki nou finn trouve pou fer bann zanfan exprime zot. Bann zanfan ena aussi **drwa a la participasion**.

A travers la marche ki finn fer le matin, bann zanfan mem finn exprim zot **drwa a la proteksion**. Ena boukou fleo ki menas bann zanfan. Pa krwar ki bann zanfan pa kone, pa konpran... Zot trouve, zot senti, zot konpran et zot ouleki nou protez zot. Zot pe rod proteksion contre la drog, la violans, negligans et abu.

Sa aktivite zordi-la finn montre kouma bann zanfan finn partisipe kouma **bann vre anbassader pou zanfan**. Zonn fer tann zot lavwa, zot per, zot bann craintes. Moi mo kroit, non mo SIR, ki bann zanfan kapav fer enn diferans a traver zot lavwa.

La NCC regulierement prezan dan bann lekol primaire ek secondaire a traver bann campagn de sensibilization lor convention droit bann zanfan. La NCC organize boukou activite pou bann zanfan, pou promouvoir zot droit a la participation.

Nou pou mett boukou lempfaz lor l'expression ek protektion bann zanfan, pendant nou bann aktivite pou komemor UCD sa lane-la. Touzour en collaboration avec LEAD ek Jorez Box, en tou pou ena 5 conser a traver l'ile, ziska le 20 novam.

La NCC pou prezan dan sa bann region-la, a travers enn caravan pou sensibiliz piblik en zeneral lor drwa bann zanfan. Bann zanfan pou aussi gagne lokazion pou particip dan plizier latelier kouma la peintir et lezot activite lor drwa bann zanfan.

Mo tia kontan rann homaz bann zanfan ki pena mem sans kuma lezot zanfan zordi. Dan moris ena 570 zanfan ki viv dan 21 shelters. Se bann zanfan ki victim la violans, neglizans ek abu. Se bann zanfan parey kouma tou zanfan, me zot pa p viv dan enn l'environman ki bann zanfan bizin pou zot developman.

Sa bann zanfan-la ousi ena mem droit kuma tou zanfan moris. Mo ministere et la NCC pe organize enn zourne activite bien spesial pou zot le 6 Novam au centre recreatif de mahebourg.

Moi kom minis pou developman zanfan, mo bien trakase pou sa bann zanfan ki viv dan shelter-la. Enn zanfan so vre plas ki li bizin viv pou li grandi bien, pou li develop bien, pou li vinn enn bon dimoun, ekilibre, korek, se dan enn fami... laloi de la natir li koumsa... enn zanfan pa pou kapav develop kouma bizin dan enn shelter, parmi 30, 40, 50 zanfan... non, noun finn lans enn kampagn le 10 oktob, pou fer dimoun konn enn servis ki appel Foster care, famille d'acceuil.

Se enn kampagn national pou trouv bann fami d'acceuil ki kapav fer enn plas pou sa bann zanfan-la dan zot fami, fer enn bon aksion ki bien importan pou sanz lavi sa bann zanfan-la. Noun trouv bann fami ki fer li, kinn acceullir enn zanfan shelter, ek sa finn sanz lavi sa zanfan-la, ek paran-la ousi, so lavi finn transforme. Fer bann bon travay koumsa, normal li enn benediktion, ek moi mo dir, zis bondie kone, ki rekonpans li pou donn enn fami kinn fer enn bon aksion koumsa.

Nou oule truv 500 famille pou acceullir temporairement sa bann zanfan ki dan shelter la. Nou pape dir zot adopte bann zanfan-la, zis acceullir zot, donne zot lankadremman ki enn

zanfan bizin pou li grandi bien ek li develop bien. Ena fami finn donn boukou lamour sa bann zanfan-la. 57 zanfan pe viv dan 48 fami d'accueil azordi-la, me li pa ase... moi mo rev, se ki pena okenn zanfan dan shelter. Sa rev-la, anou fer li vinn nou tou nou rev... Nounn gagn collaboration KFC, kinn finans sa kampagn-la entierman, parsli li krwar ki bizin fer bann zanfan viv dan bann fami. Dayer Managing Director KFC li-mem linn acceuillir enn zanfan shelter kot li... Me KFC ek mo minister, nou pa pou kapav realiz sa rev-la san zot. Nou bizin travail main dan la main pou fer sa vinn enn realité.

Mo fer enn lapel a tou bann fami moris pou enrezistre zot comme famille d'accueil. Zot kapav telefon lor helpline **187** de 9.00 a 16.00 pou plis renseignman. Nou dir, Chaque enfant a besoin d'une famille... **Anou donn chaque zanfan moricien enn famille.**

Mo minister p fer tou seki kapav pou protez zanfan kont la violans ek bann abu. Mais li pa enn travail fasil. Nou bizin coup de main tou dimoun pou kapav assir sekirite nou bann zanfan. Mo deman zot kondan bann act de violans et vinn rapport bann cas a la CDU. Nou kapav less nou bann zanfan grandi dan la souffrans, dan la detresse... Ena enn hotline 113. Donn enn koudme, denons bann ka.

La CDU se pa enn department ki zis tir zanfan kuma ena dimoune panse. Retir enn zanfan de so milieu familial se dernier option. Ena fois bann prop famille bann zanfan la pa le acceuillir ban victim-la. Toton, tantine tou refuze. Ki nou bizin fer dan sa situation la ? eski nou less sa zanfan-la dan l'insekirite kot li kapav vinn enn victim sexuel, gagn batte ou traine la rue.

Ou bien nou retir li temporairement nou plas li dan enn lieu ki pou assir so sekirite? Kot zanfan la kapav al so lekol, li kapav gagn bann soin medical et psychologique. En plis, mo sir ek kampagn foster care, nou pou ressi trouv bann fami pou acceuillir sa bann zanfan-la.

Mo pou termine par remercier tou bann partenaire ki p travail ensam dan kontex zourne universel bann zanfan pou fer bann activite la vinn enn sikse. Mo remersie Jorez Box, ONG LEAD, Municipalite Curepipe, Minster infrastruktitir piblik, minister Arts et kiltir et Minister Technology, de la communication et de l'innovation. Enn remerseman special anbassad amerikin, UNDP ek bann ongs, kouma dan cite mangalkhan, la paroisse Ste Helene ek nou remersie zot tou ki prezan isi zordi ek pou zot laccueil.

Merci